

Advertorial:

CIBC FirstCaribbean hunto Medicosmetics Aruba N.V. a haci un donacion na e Fundacion pa Hende Muhe den Dificultad



ORANJESTAD – E miembronan di e Fundacion pa Hende Muhe den Dificultad a ricibi recientemente productonan di cuido personal na honor di Dia Internacional di Hende Muhe cu a wordo celebra mundialmente riba 8 di maart 2017.

CIBC FirstCaribbean na uni cu Medicosmetics Aruba N.V. pa asina por a haci e donacion special aki unda cu e Fundacion pa Hende Muhe den Dificultad a ricibi basket cu productonan pa uzo y cuido personal.

Como parti di e celebracion di Dia Internacional di Hende Muhe, CIBC FirstCaribbean a sinti'e necesidad pa haci un donacion na un instituto cu ta ocupa na cuidu di hende muhe den nos comunidad. Jamie Bareño di CIBC FirstCaribbean a bisa cu no por a pensa riba un

miho organisacion pa apoya cu esun di e Fundacion pa Hende Muhe den Dificultad. Medicosmetis Aruba N.V. ta distribui productonan farmaceutico, medico, nutricional, productonan di beyesa, articulonnan di cuido personal, articulonnan di salon di beyesa profesional y articulonnan pa baby di marcanan conoci manera Garnier, Maybelline, Seven Seas, Ensure y otro.

"E hende muhenan cu bini boso organisacion pa pidi ayudo ta yega un poco perdi, den stress y den busca di un luga pa keda. Nos ta nobo den e comunidad di Aruba, y nos kier ta envolvi den proyectonan cu por yuda esunnan den necesidad. Door di duna e basketnan aki cu productonan di Medicosmetics Aruba N.V. na boso organisacion, nos ta spera di duna boso clientenan un poco di comodidad," tabata



e palabranan di e Country Manager di CIBC FirstCaribbean Señor Giovanni Atencio. Ademas e la gradici Señora Lyzaira Polak Sales & Marketing Manager di Medicosmetics Aruba N.V. pa uni su mes cu e banco den e gran gesto aki.

"Nos ta gradici y ta sinti

honra cu boso organisacion a tuma nos fundacion den consideracion y nos por sigura cu e 10 basketnan aki lo tin un bon destinacion. Door di e donacion aki no solamente un hende muhe lo ta contento pero henter un familia. Mayoria di e hende muhenan cu bin cerca nos

tin yiunan y un famia. Un famia ta un parti di nos comunidad, den e caso aki 10 famia lo wordo haci feliz. Si e mama ta contento y ta sinti'e bon, e ta bay percura miho pa e resto di su famia y asina reparti e felicidad den su alrederdoran," tabata e palabranan di e coordinador di e fundacion Señora Magaly Maduro.

E Fundacion pa Hende Muhe den Dificultad ta traha pa asisti e victimanan di violencia domestico. Nan ta trata di conscientisa nos comunidad tocante violencia contra hende muhe y ta promove leynan nobo pa combati violencia domestico. Tambe nan tin un luga pa e hende muhenan cu ta wordo maltrata por keda un tempo y asina sali padilanti riba na mes.

